

KOINOTDA «SAMARQAND» SAYYORASI

Suratlarda: «Chotqol»
hamda «Gagarin»
oromgohlari
hayotidan lavhalar

Aziz bolajonlar,
alamshumul
yangilikni
eshitdingizmi?
Koinotda kezib
yurgan behisob
sayyoralar qatoriga
hanuzgacha hech
kim kuzatmagan
yana bir Kichik
sayyora qo'shildi.
Uni o'zbekistonlik
yosh olimlar
Bahodir Hafizov va
Aleksey Sergeye
v aniqladilar.

Quyosh atrofida to'rt
yilga yaqin muddat
mobaynida kuzatilgan
bu sayyora xalqaro
Kichik sayyoralar
katalogiga rasman 210271
raqami bilan kiritildi.

Xorij olimlari ulug'
allomalarimizning jahon
ilm-u fani rivojlanishi
yo'lidagi buyuk xizmatlarini
tan olib, hozirga qadar beshta
Kichik sayyora ni
«O'zbekiston», «Avitsenna»,
«Ulug'bek», «Beruniy» va
«Xorazmiy» nomi bilan
ataganlar. Bu nomlar turli
yillarda xorijlik astronomlar
tomonidan kashf etilgan Kichik
sayyoralariga mamlakatimiz va
buyuk bobokalonlarimiz
xizmatlarining e'tirofi sifatida
berilgan. «Samarqand» sayyorasi
esa Astronomiya institutining
shahardan 120 kilometr naridagi
baland tog'larda joylashgan
Maydanak astrofizik
observatoriyasida aniqlandi. U
Quyosh atrofida - Mars hamda
Yupiter orbitalari orasida kezib
yuribdi.

Davomi 2-betda

Bevosita muloqotga
marhamat!

7-bet



KOINOTDA «SAMARQAND» SAYYORASI



sayyoraning kashf etilishi Maydanak observatoriyasida uzoq yillar davomida eng zamonaviy asbob-uskunalar yordamida olib borilgan tinimsiz izlanishlar samarasidir.


Sayyoraning aniqlanish tarixi shunday: 2007-yilning kuz tularidan birida Bahodir Hafizov va Aleksey Sergeyev Maydanak observatoriyasining «AZT-22» rusumli bosh teleskopi monitorida turg'un yulduzlar fonida tez harakatlanayotgan bir ob'yektini ilg'ab qolishadi. Bu ob'yektning osmon koordinatlarini va taxminiy orbitasi elementlarini aniqlab, Garvard (AQSH)dagi xalqaro Kichik sayyoralar markaziga yuborishdi. Tez kunda u yerdan mazkur ob'yekt xalqaro kataloglarda qayd etilmagani va unga dastlabki «2007-TU-2» raqami berilgani to'g'risida xabar keladi. Yosh olimlarning quvonchi cheksiz edi. Lekin ular aniqlagan

ob'yektini yangi sayyora deb xulosa chiqarishga hali erta edi. Gap shundaki, dastlabki hisob-kitoblarga ko'ra, Kichik sayyoraning quyosh atrofida aylanish davri taxminan 4 yilni tashkil etadi. Binobarin, uning orbitasini to'liq aniqlash uzoq kuzatishlarni talab etardi. Sayyora yana ikki yil uzluksiz kuzatildi va uning orbitasi elementlari yuqori aniqlikda topildi. Nihoyat, 2009-yilda xalqaro Kichik sayyoralar markazidan bu – haqiqatan ham hech kim tomonidan kuzatilmagan yangi Kichik sayyora ekani va endi xalqaro kataloglarda doimiy 210271 raqami bilan qayd etilgani to'g'risida xabar keldi. Bu sayyora O'zbekistonda ilk bor ochilgan Kichik sayyoradir. Shuni e'tiborga olib, olimlarimiz mazkur sayyora nom berishni iltimos qilib, Prezidentimiz Islom Karimovga murojaat etishdi. Yurtboshimizning taklifi bilan Kichik sayyora jahonning eng ko'hna va go'zal shaharlaridan biri – astronomiya fanining rivojiga ulkan hissa qo'shgan Samarqand shahrining nomi berildi. Bu haqda Garvarddagi xalqaro Kichik sayyoralar markazining 2010-yil 27-mayda chop etilgan 70135 sonli ko'rsatma xatida xabar e'lon qilindi.

Shunday qilib, ushbu azim shaharning nomi koinotda abadiylashtirildi.

Yaqinda Astronomiya instituti direktori, professor Sh.Egamberdiyev «Samarqand» nomli sayyora kashf qilinganligi haqidagi Garvard Kichik sayyoralar markazi tomonidan berilgan sertifikatni Samarqand shahar hokimiga topshirdi.

R.JABBOROV

OMADDAN
O'ZIB YURING!

Kecha mamlakatimizdagi barcha oliy o'quv yurtlari ilmga tashna yoshlar bilan to'lib-toshdi. Bo'lg'usi talabalarining hayajoni nechog'lik baland bo'lsa, dalda bo'lish uchun kelgan otanonalar hayajoni ham ularnikidan kam emasdi... Sinov payti yaqinlashgani sari tashqarida faqat dalda beruvchilar qoldik. Shu payt ko'zim qo'lida ruxsat qog'ozini ushlab olganicha (otasi bo'lsa kerak) kattaroq yoshdagi kishi bilan xotirjam gaplashib o'tirgan yigitchaga tushdi. Bu hol menga g'alati tuyulib, ularga yaqinlashdim va so'radim:

– Imtihon boshlanishiga oz vaqt qoldi. Kirib hozirlik ko'rmaysizmi?

Yigitcha samimiy jilmaydi. So'ng esa qo'lidagi soatiga qarab qo'ydi.

– Hali o'n besh daqiqa bor. Bemalol ulguraman.

Yigitchaning dadilligi va o'ziga bo'lgan ishonchi meni hayratga soldi. U ichkariga kirib ketgach, otasi bilan gaplashib o'tirdik. O'g'illari Komiljon oiladagi kenja farzand ekan. Aka-opalarining bari oliygohlarda o'qigan bois ularga havas qilgan Komiljon ham yoshlik chog'idanoq shifokor bo'lishni orzu qilibdi. Orzu qilbigina qolmay bu sohaga oid ko'plab kitoblarni o'qib chiqibdi. Otasining aytganicha bor ekan. Komiljon birinchilardan bo'lib imtihonni topshirib chiqdi. Bosh barmog'ini yuqori ko'tarib, «Zo'r» ishorasini qilganida, otasiga qo'shilib men ham uni beixtiyor bag'rimga bosdim. Otasi faxr bilan o'g'lining yelkasidan quchdi.

– Qiyalmadingmi, o'g'lim?

– Yo'q. Biladigan narsalarim tushibdi. Uygabirib yana bir solishtirib ko'raman. Menimcha, yaxshi bo'lishi kerak.

Imtihon natijalaridan ko'ngli to'lgan ota-bola men bilan xayrlashib, uylariga qaytishdi. Negadir odamlar orasida ularning qorasi ko'rinmay qolguncha qarab qoldim. Ochig'i, Komiljon va uning otasiga havasim keldi.

Bunday olib qaraganda, bu unchalik katta voqea emasday ko'rinadi. Aslida ham shundaymikin? Yoshligidan puxta bilim olishga intilgan Komiljon otanasini ortiqcha his-hayajon-u tashvishlardan xalos etmadimikin? Undagi o'ziga bo'lgan ishonch otana uchun beqiyos quvvat. Shunday emasmi? Shu o'rinda sizdan ham, aziz o'quvchi, ba'zi narsalarni so'ramoqchi edim. Kelasi yili maktab, litsey yoki kollejni bitirasiz. Aniq maqsadingiz bormi? Hozirdanoq biror kasbni tanladingizmi? Tez kunda maktab quchog'iga qaytasiz. Bilim sirlarini puxta egallang. Har bir kuningiz samarali o'tishiga erishing. Ulkan cho'qqilarni zabt etishni dilingizga tugging. Shunda siz ham Komiljon kabi hammaning havasini keltirib, sinovlardan muvaffaqiyatli o'tasiz. Omaddan o'zib yuring, baxt sizga yor bo'lsin!

Yusuf ABDULLAYEV

Muharrir so'zi

BU MENING JON VATANIM!



sajdagohday pok va ulug' bo'lmog'i kerak».

Haqiqiy vatanparvar insonlar o'z manfaatlarini Vatanning taqdiridan, o'z xalqining orzu-istaklaridan ayri holda tasavvur etolmaydi. O'zligini anglamagan odam Vatanni ham, uning nimaligini ham anglay olmaydi. Vatandan tashqarida Vatan yo'q. Tashqarida sog'inish va firoy bor, xolos. Vatandan bir daqiqa olis bo'lgan inson darhol uni sog'inadi, xuddi otana bag'riga talpingandek unga orziqib intiladi.

O'n to'qqiz yil bizga ko'p narsalarni anglatdi.

«Men yurtimning vafodor o'g'liman!» degan gap naqadar yoqimli jaranglaydi. Bu gapni eshitgan zahotingiz qarshingizda turgan o'g'longa bo'lgan mehringiz oniy tezlilikda oshib, yuragingizni zavq-shavqqa to'ldiradi. Buyuk mutafakkir Yusuf Xos Hojib bundan ming yillar burun: «Vafodorlik odam bo'lsa, men uni qidirayin», deya behuda yozmagan. Vafodorlik inson uchun buyuk qadriyat. Vafodorlik odamni beburdlikdan, yuzsizlikdan saqlaydi. Buyuk Amir Temur bobongiz ham: «Men har kimgaki va'da bersam, unga vafo qildim», deydi. Vatanga vafodor bo'lish insonni qahramon darajasiga ko'taradi. Shu bois ham vafodor insonlarni insoniyat qadrlaydi, nomini abadiy aziz tutadi.

Bugungi kunda yurtimizda bajarilayotgan va rejalashtirilayotgan barcha ishlar siz aziz bolalarning baxt-u saodati, ertangi yorug' kelajagingiz uchun amalga oshirilmoqda. Chunki odobli, bilimdon va aqlli, imon-e'tiqodli farzand nafaqat ota-onaning, balki butun jamiyatning ham eng katta boyligidir.

O'n to'qqiz yil!

Siz, aziz bolalar, o'zingizning yaxshi xulqingiz, bilimingiz va chin insoniyatingiz bilan eng ulug', eng aziz bayramimizni kutib oling.

Siz bilan, qadrlil bolalar, o'zining olamshumul yangiliklari va shukhi bilan bir-biridan farq qiladigan tarixiy kunlarga guvoh bo'lmoqdamiz.

Shavkatli Vatanimizning har bir yutug'i va zafarini ko'rib, qalbiringizda:

«Bu mening jon Vatanim!

O'n to'qqiz yoshini yorug' yuz bilan qarshi olayotgan jondan aziz shon Vatanim!» degan so'zlar baralla jaranglayotgani aniq.

Markaziy Osiyoning yuragi, deydi uni!

Bu qadim diyorumizni nafaqat Sharq, balki jahon sivilizatsiyasi beshiklaridan biri bo'lganini xalqaro jamoatchilik tan olmoqda va e'tirof etmoqda. YUNESKO qaroriga muvofiq, Buxoro va Xiva shaharlarining 2500 yilligi, Samarqand shahrining 2750 yilligi, Qarshi shahrining 2700, Marg'ilonning 2000 yilligi, azim poytaxt Toshkentning 2200 yilligi keng nishonlandi va qanchadan-qancha ulug' ajdodlarimiz – buyuk tarixiy shaxslarning yubileyleri o'tkazildi.

Qadim Farg'ona, Surxon, Qashqa vohasi – uning gavharlari. Toshkent, Samarqand, Buxoro durdona shaharlaridir!

Vatan – ota makon, ona yurt! Naqadar dilbarsan, naqadar azizsan!

O'zbekiston!

Biz uchun dunyoda bitta, yagona durdona!

Islom bobongiz ta'kidlaganlaridek, «Vatan» tushunchasi biz uchun sajdagohday muqaddas,

Sardor, yetakchi bo'lishni har bir o'quvchi soxlaydi. Ammo soxishning o'zi kamlik qiladi. Sardor, avvalo tengdoshlari orasida o'z bilimi, iqtidori, faolligi-yu tashkilotchiligi bilan ajralib turishi lozim. Ortidan barchani ergashtira oladigan yetakchi haqiqiy sardordir. Respublika «Kamalak» Bolalar tashkiloti qoshidagi «Sardorlar maktabi»da ham har bir ishga mas'uliyat bilan yondashadigan yetakchilar tarbiyalanmoqda. Bugungi suhbatimiz «SM» faoliyati haqida.

Maktabning asosiy vazifasi, avvalo yoshlarda sardorlik mahoratini oshirish orqali ularda sog'lom fikr va sog'lom ongni shakllantirish, dunyoqarashini kengaytirish, vatanparvarlik hissini kuchaytirish, loqaydlik, beparvolik illatlarini yo'qotish, milliy qadriyatlarini o'rganish va targ'ib qilish, muqaddas tariximiz, buyuk ajdodlarimiz xotirasiga hurmat tuyg'ularini rivojlantirishdan iboratdir.

damda eng shijoatkor tinglovchilar bilan gavjumligi bizni quvontiradi.

Shohruh BOYMURODOV, «Sardorlar maktabi»ning bosh sardori:

Sardor HAKIMOV, «Ocean – Hart» guruhi rahbari:

– «Sardorlar maktabi»ga imtihon orqali qabul qilinayotgan tinglovchida dastlab Diplom olish istagi bo'ladi.

Lekin o'quv seminarlarida faol ishtirok etish jarayonida «SM»ga muhabbat uy-

SARDORLAR MAKTABI

tinglovchilari qanday ishlar bilan band?

Odina JAMOLDINOVA, Respublika «Kamalak» Bolalar tashkiloti raisi:

– «Sardorlar maktabi» O'zbekiston Respublikasi Konstitutsiyasi, O'zbekiston Respublikasi «Kamolot» yoshlar ijtimoiy harakati Dasturi, Bola huquqlari to'g'risidagi Xalqaro Konvensiya hamda ushbu Nizomga muvofiq faoliyatni amalga oshirib kelmoqda.

Bugungi kunda yoshlarimizning har tomonlama chuqur bilimiga ega bo'lishida turli to'garag-u maktab va markazlarning o'rni beqiyos. Ko'pchilik yoshlarimizga ilk qanot bo'la olayotgan «Sardorlar maktabi» ana shunday maktablardan biri hisoblanadi. O'quvchi yoshlarning o'z iste'dod-u iqtidorlarini namoyon etish borasida yetakchilik qilayotgan mazkur maktab bugun bir qator shijoatkor yoshlarni birlashtirdi.

«Kamalak» Bolalar tashkiloti qoshida tashkil etilgan «Sardorlar maktabi» bugungi kunda barcha viloyatlarda o'z faoliyatini davom ettirmoqda. Respublikamizning barcha viloyat-u shaharlarida ayni paytda o'quv mashg'ulotlari qizg'in olib borilmoqda.

«Sardorlar maktabi»ning serg'ayrat, bilimdon yoshlaridan kelgusida yurtimiz ravnaqi, xalqimiz farovonligi uchun xizmat qiladigan yetuk insonlar yetishib chiqishiga shubha yo'q.

Akobir NOSIRXO'JAYEV, Matbuot va monitoring sardori:

– «Sardorlar maktabi» a'zolari bir-biridan maroqli, mazmunli va eng asosiysi, kerakli loyihalar hamda tadbirlarni taqdim etadilar. «Hashar yoshlarga yarashar», «Qushlar ini



«Sardorlar maktabi» o'zining ko'krak nishoni va bayrog'iga ega. Uch oy davomida ta'lim olgan o'quvchilar o'z iqtidorlariga qarab bronza, kumush, oltin Diplomalr sohibi bo'ladilar. Eng bilimdon o'quvchilar esa «Murabbiylar maktabi» sari yo'l oladilar.

loyihasi», «Yulduzlar – shou» kabilar shular jumlasidandir.

Bugungi kunda qariyb 7-avlodni o'z bag'ridan uchirma qilayotgan maktab tomonidan turli bellashuvlar ham o'tkaziladi.

Mazkur dargoh o'zining internet veb-saytiga ega. «www.sm.uz» yoki XTV qoshidagi «ZiyoNET» axborot tarmog'i bilan hamkorlikda tashkil etilgan «Sardorlar zn.uz» saytlari mavjud.

«Kamalak» Bolalar tashkiloti tomonidan tashkillashtirilishi an'ana tusini olgan «Vatan, do'stlik va xalqparvarlik uchun» shiori ostidagi anjumanda «Sardorlar maktabi»ning 9 nafar a'zosi ishtirok etib, ulardan 4 nafari sertifikat bilan taqdirlandi.

Sardor MAHKAMOV, «Sardorlar maktabi»ning bosh asoschisi:

– Har bir insonda qaysidir ma'noda bilim manbai bo'ladi. Lekin inson o'z imkoniyatlaridan hamma vaqt ham to'liq foydalana olmaydi. Insonning yashashi uchun hayotiy ko'nikma zarur. Nazarimda, «Sardorlar maktabi»ni tashkil etishdan asosiy maqsad ham aynan shu hisoblanadi.

Bugun «SM»ni olti mingdan ziyod yoshlar tugatdi. Lekin bizning yana bir maqsadimiz – yoshlarning soniga emas, ularning sifatiga e'tibor qaratishdir. Respublikamizning deyarli barcha viloyat, shahar va tuman bo'limlarida faoliyat yuritayotgan mazkur o'quv dargohi ayni

– Maktabni tinglovchilar loyiha topshirish bilan yakunlaydilar. Tabiiyki, ular uchun mazkur yo'nalish bo'yicha maxsus seminar ham tashkil etilgan. Loyihada, asosan, mavzuning dolzarbligi, muhimligi va albatta yoshlarga foydasi ahamiyatlidir.

Ushbu maskan boshqa ta'lim muassasalaridan tubdan farq qiladi. «Sardorlar maktabi» oddiy to'garak emas, balki katta o'quv maskani hisoblanadi.

Muhiddin NURIDDINOV, «Sardorlar maktabi»ning Toshkent shahar bosh sardori:

– O'y lashimcha, mazkur o'quv maskani yoshlarga bilim beribgina qolmay, ularning bo'sh vaqtlarini mazmunli tashkil etishga ko'maklashadi. Guruh rahbarlarimizga bir qiz o'zining achchiq taqdirini so'zlab, undan maslahat so'rabdi. Sardor qizga bu vaziyatdan qanday chiqib ketish yo'lini tushuntiribdi. Biroz vaqtdan so'ng, o'z yo'lini topib olgan qiz guruh rahbariga atab she'r yozib kelibdi. Nazarimda, «Sardorlar maktabi»ning yutug'i ham mana shunda.

g'onadi.


«SM» shaxsan mening ikkinchi uyim desam ham bo'ladi. Ushbu maskanda ko'p narsani o'rgandim. Har bir tinglovchi «Sardorlar maktabi» – hayot maktabi» ekanligiga guvoh bo'ladi.


Dilorom PIRMUHAMMEDOVA, «SM-stars» guruhi koordinatori:

– Garchi o'zim oltinchi avlodda ta'lim olganimga qaramay, yettinchi avlodga koordinatorlik qilmoqdaman. Nazarimda, guruh koordinatorining yutug'i tinglovchilar bilan yaxshi chiqisha olishi, o'z tinglovchisining ko'nglini, nimalarga qiziqishini bilib olishidadir. Shuningdek, tinglovchilar uchun tashkil etilgan ilk seminarni ham aynan koordinatorlar o'tishadi.


Maqsud MANSUROV, «Barkamol avlod» guruhi tinglovchisi:

– Ilk bor imtihon topshirayotganimga, «Sardorlar maktabi»ga kira olmasligimdan juda qo'rqqandim. Chunki berilgan savollar ancha murakkab bo'lib, ular orasida geografiyaga oidlari ham bor edi. Geografiya fanini yaxshi o'zlashtirmaganim shu yerda pand berdi. «Sardorlar maktabi» tufayli geografiya fanini yanada mukammal o'zlashtirdim. Maktabdagi baholarim ham sezilarli darajada yaxshilandi. Eng asosiysi, «Sardorlar kim?» degan cavolga javob topa oldim. O'ylaymanki, «Sardorlar maktabi» yoshlarni erkin qadam tashlashlarida zinapoya bo'ladi.






7-sayyora dam oluvchisi Ibrohim Islomov «Mohir go'llar» to'garigiga muntazam qatnab, uy hayvonlarini qo'yilmaqom qilib yasashni o'rganib olibdi.



«Paxtakor – 98» futbol akademiyasida bolajon murabbiy Lenur Erkinovich Yeremeyevni nafaqat shogirdlari, balki ularning ota-onalari ham juda yaxshi ko'rishadi.



Yozgi ta'tilda dam olishni tog'lar quchog'ida o'tkazayotgan tengdoshlaringiz quvonchlarini diliga sig'dirolmaydilar. Chunki ular tog'lardan dars olib qaytishdi...
Purviqor tog'lar bag'riga yuqorilagan sari tabiatning bebaho, noyob qirralarini kashf etgandek bo'lamiz. Bejiz «Barcha hikmat, bilsam, tog'-u toshda ekan», deyilmaydi. Balandlardan sharqirab tushayotgan daryoning ayqirig'iga e'tibor berganmisiz? U Sizga zavq bilan to'lib-toshib yashashni uqtirayotgandek tuyuladi. Kishi balandlikda juda ko'p narsalarni his qiladi. Siz ham balandlikda ona yurtimizning iliq taftini sezib, rohatlangan bo'lsangiz, ajabmas!

BEQIYOS GO'ZALLIK

Ko'plab tengdoshlari qatori «Paxtakor – 98» futbol akademiyasining tarbiyalanuvchilari Toshkent viloyati, Bo'stonliq tumanida joylashgan fazogir Yuriy Gagarin nomli oromgohda dam oldilar.
Ular qanday hordiq chiqarayotganliklarini bilish maqsadida, Chorbog' tog'lari tomon yo'lga tushamiz. Yo'l-yo'lakay tabiatning mo'jizaviy qudratidan, takrorlanmas go'zalligidan hayratlar ummoniga g'arq bo'lamiz.
Tog'ning past-u baland yo'llaridan oromgoh darvozasiga yetib kelgach, bolalarning qo'ng'iroqdek shodon qiyiqirqlari quloqqa chalinadi. Quyug' daraxtzorlar-u baland tog'lar ham go'yo ularning quvonchiga jo'r bo'layotgandek...
«Gagarin»da hordiq chiqarayotgan yosh futbolchilarni biz faqat futbol maydonida uchratamiz, deya xato qilibmiz. Jamoa darvozaboni Sardor Sodiqovni oromgoh kutubxonasida «Olam va odam» ensiklopediyasini o'qiyotgan, yarim himoyachi Valixon Valixonovni rasmlar tanlovida qatnashayotganini, markaziy himoya chizig'i ustasi, jamoa sardori Yusuf Shoyimovni esa stol tennisi mashg'ulotlari bilan band holatda uchratib, rosti, ajablandik. Oromgohda sportchi bolalarning madaniy-ma'naviy tafakkurini yuksaltirish uchun barcha qulayliklar mavjud.

XORAZMLIKLAR PARKENTDA...

Bu qanaqasi bo'ldi, deysizmi? Hozir, biroz shoshilmang, barchasini tushunib olasiz. Yozgi ta'til sayohatga boy fasldir. Xorazm viloyatidan tashrif buyurgan 300 nafar o'g'il-qiz Toshkent markaziy temiryo'l vokzalida tantanali kutib olindi. Mehmonlarni Parkent tumanidagi «Boychekchak» yozgi oromgohi quchoq ochib kutib oldi.
Toshkent viloyati kasaba uyushmalari tashkilotlari birlashmasidagi aka-opalaringizning xabar berishlaricha, «Barkamol avlod yili» Davlat dasturiga asosan yozgi ta'til davomida xorazmlik 1000 nafar o'g'il-qiz navbat bilan so'lim Parkent tumanida mazza qilib dam olmoqdalar.

«Oromgoh – 2010»

OROLBO'YILIKLAR ESA SAMARQANDDA

Bu ko'hna va navqiron tarixiy shaharni ko'rishni dunyo bolalari orzu qilishadi. Ana shunday beg'ubor orzular ijobati Orolbo'yi bolalariga «Barkamol avlod yili»da nasib etdi. Tog'yonbag'ridagi Urgut tumanida joylashgan Bolta Nabiyev nomli oromgohning ikki bosqichida 450 nafar bolalar dam oldilar. Uchinchi mavsumda esa faqat Orolbo'yi bolalari dam olishyapti. 260 o'rinni yotoqxona, oshxona ular xizmatida. Sport maydonchalari, ma'naviyat xonasi bolajonlar bilan gavjum. Shu kunlarda tengdoshlaringiz tarbiyachilari bilan birgalikda go'zal shahar bo'ylab sayohat qilishni rejalashtiryaptilar.

QUVASOYLIKLAR ASLO ZERIKMAYDILAR

Har yili yozgi mavsumda Farg'ona viloyati, Quvasoy shahridagi «Kimyogar» dam olish oromgohi «Farg'onaazot» ochiq-hissadorlik jamiyati a'zolarining 960 nafardan ziyod farzandlarini o'z bag'riga oladi.
Hozir ham 240 nafarga yaqin bolajonlar miriqib hordiq chiqarishmoqda. Bolalar o'z

siz bunday ishni qanday uddalagan bo'ladingiz? Ammo shahrisabzlik bolalarga tarbiyachilari yordam qo'lini cho'zishdi. Qisqa vaqt ichida ular ishga kirishib ketishdi. Qarang-a, tog'lar bag'rida mo'jiza yaratish qiyin emas ekan. Oromgoh atrofidagi mayin qum, mayda shag'al, singan daraxt shoxlari-yu xarsang toshlar ham bolalar nazaridan chetda qolmadi. Hash-pash deguncha, epchil bolalar ko'p qavatli mehmonxona maketini yasadilar. Qad rostlagan binoga ko'rfazga otdosh «Guanabara» deb nom qo'yidilar.
Albatta, oromgohda bunyod etilgan «Guanabara» tajribali me'morlar ishidan anchagina farq qiladi. Asosiysi, oromgoh ularga mukammal loyihalari yaratishni o'rgatadi.

MEN A'LOCHI BOLAMAN

Savhani o'qib, hayron bo'layotganingizni sezib turibmiz. Iye, o'romgohda ham a'lochi bolalar bo'lar ekanmi, deysizmi? Avvaliga biz ham xuddi siz kabi hayratga tushgan edik. Ammo Sirdaryo viloyati, Boyovut tumanining «Shodlik» oromgohida a'lochi bolalar ko'pligini ko'rib, hayratimiz tarqadi. Maktabda olingan puxta bilim bolalarga oromgohda an'anaga aylangan insho va rasmlar tanlovi, «Quvnoqlar va zukkolar», «O'zbekiston – umumiy uyimiz», «O'yla, izla, top!», «Men ingliz tilini bilaman» hamda «Men a'lochi bolaman» kabi tanlovlarda juda asqotyapti. Bundan tashqari, turli mavzudagi viktorinalar, asfaltga rasm

TOG'LARDAN DARS OLGAN BOLALAR

Yozgi oromgoh – 2010

ixtiyorlariga topshirilgan 10 ta yangi kompyuterdan unimli foydalanishmoqda. Viloyatning «Kimyogar» madaniyat saroyi, «Asr» raqs guruhi hamda qo'g'irchoq teatri jamoasi o'z chiqishlari bilan bolalarning ko'ngilli hordiq chiqarishlariga hissa qo'shishyapti.
«Kimyogar»da uchinchi mavsum boshlandi. O'ylaymizki, bu mavsumda ham farg'onalik bolalar aslo zerikmaydilar.

MIROQIDA MEHMOMMIZ

Bolalar, gazetamizning avvalgi sonlarida sizlarga Shahrisabz tumanidagi Miroqi qo'rg'onida joylashgan «Lochin» oromgohi haqida so'zlab bergandik. Endi esa shu qo'rg'onidagi «Kelajak ovozi – 2010» o'quv oromgohida ham mehmon bo'ldik.
Oromgohda har bir guruh go'yoki dunyodagi yirik megapolislar singari faoliyat yuritishidan ajablandik. «Mening shahrim» tanlovida ishtirok etayotgan tarbiyalanuvchilarga Rio-de-Janeyroning yangi qiyofasini kichik maketda ifodalash vazifasi topshirilgan ekan. Qiziq,

chizish, sport musobaqalari ham bolajonlarning mazmunli dam olishiga xizmat qilyapti. A'lochi bolalar esa olimlar, yozuvchi va shoirlar, san'atkorlar-u bastakorlar bilan uchrashuvlarda bilimlarini yanada boyitishyapti.
Hikoyamizni o'qib, siz ham «Shodlik»ka o'tlanayotgan bo'lsangiz, to'g'ri qilasiz. Axir oromgohda uchinchi mavsum davom etmoqda.


OROMGOHNING OPPOQ TONGLARI

Ha, ha, ishonavering, bu oromgohda dam olayotgan bolajonlar quvnoqlikda barchani ortda qoldirdilar. Chorvoq suv omborining janubiy-sharqiy qismi, Burchmulla ovulining bahavo joyida joylashgan «GRAND NEWLAND» oromgohida asosiy e'tibor ingliz tilini o'rgatishga qaratilgan. Bu esa ingliz tiliga qiziquvchi tengdoshlaringiz uchun ayni muddao bo'ldi.
Quyosh bilan barobar uyg'ongan bolajonlar erta tongdanoq karate, aykido mashqlari bilan badanlarini chiniqtirib oladilar.

4-sayyoraing ajralmas do'stlari Azizbek Rafiqov hamda Zuhridin Holmatov kutubxonadagi eng qiziq «Shoh va to'ti», «Hunarli cho'pon», «Kenjatoy» kitoblarni bir kunda o'qib chiqishibdi. Ularga qoyil qolsa arziydi, a?!



Xoreografiya to'garagi rahbari Lyudmila Vasilyevna to'garak a'zolariga ajoyib-u g'aroyib o'yinlar o'rgatib, charchamas ekan. Bolajonlar bu o'yinlarni har mavsumda o'tkaziladigan sirk tomoshalarida ko'rib, hayratlarini yashirolmaydilar.



Olamga boq, naqadar go'zal, Nurafshondir oppoq tongimiz. Olishlarga entikkan mahal, Yuksaladi g'urur, ongimiz!



Tengdoshingiz Mohlar-oyim Abdullayeva Toshkent shahridagi 169-maktabning 7-«A» sinfida tahsil olmoqda. Maktabdagi a'lo baholari, namunali xulqi uchun har yili «Maqtoy yorlig'i», ota-onasiga esa tashakkurnomalar oladi. Erkin fikrlashni va o'z fikrini bayon qilishni yoqtiradi. Ingliz tilini sevib o'rganadi.
Yana she'rlar mashg'ul qiladi. Birinchi o'qituvchisi Mahmuda Raimova hamda hozirda ta'lim berayotgan ustoz Dilafuz Boykeldiyevaga atab yozgan she'rlari barchaga birdek yoqdi.
Quyida kelajakda jurnalist bo'lish ishtiyogidagi tengdoshingiz ijodidan namunalar o'qiyisiz.

ORZU

Inson borki, umid-la yashar, Qalbdan sevinch uyg'otar orzu. Ezgulikka boshlayli bizni, U qalbdagi eng ajib tuyg'u. Har bir orzu bir yulduz misol, Bizga hamroh bo'lib yuradi. «Menga yetmoq istasang intil», – Degandayin imlab turadi.

TA'TILDA

Imtihonlardan o'tib, Qo'rquv, hayajon ketib, Quvnoq yozgi ta'tilga, Mana, keldik biz yetib. Bolalarning quvonchi, Ichiga sig'maydi hech. O'ynashadi ko'chada, Har kuni erta-yu kech.

Bolajonlar, biz bilan oromgohlarga sayohat qilib zerik-madingizmi? Aslo, deysizmi? Axir zerikishga vaqt bo'lmadi, to'g'rimi? Oromgoh har biringizning iste'dodingiz, iqtidoringiz, mahoratigingizni yana bir bor sinovdan o'tkazdi. Ko'plab do'stlar topdingiz, yangi o'quv yiliga kuch-g'ayrat to'pladingiz.

Ma'mura MADRAHIMOVA, Gulyuz ORIFJONOVA

Nilufar OMONOVA
Surxondaryo viloyati,
Sherobod tumanidagi 9-
ixtisoslashgan maktab-
internatni tamomladi.
Hozirda Sherobod peda-
gogika va iqtisodiyot
kollejida tahsil olayot-
gan ijodkor tengdoshingizning
«Nilufar guli» nomli ilk to'plami
bosmadan chiqdi. Quyida mazkur
to'plamga kirgan she'rlardan
o'qiydiz.



VATANIM

Ona shahrim Sherobod,
Bo'lay senga loyiq qiz.
Baxtiyorman bag'ringda,
Yangi qishlog'im aziz.

Salom berib o'taman
Tanishlarni ko'rganda.
Xuddi erkin qushdayman,
Quchog'ingda yurganda.

Kollej tomon shoshaman,
O'qituvchim kutadi.
Qadrli daqiqalar,
Qalbinga nur tutadi.

Sharqning go'zal maskani
O'zbekiston vatanim.
Farzanding Nilufarman,
Senga fido bu tanim.



TABIAT

Salom ona tabiat,
Seni sevaman doim.
Ilhom berasan menga,
Qarab turib muloyim.

Tog'lar mag'rur yil bo'yi,
Bag'ridan suvlar oqar.
Quyosh chiqqanda kulib,
Nurlari dilga yoqar.

To'rti faslda libosing,
O'zgarar har xil tusga.
Kelinchak bahoroyini,
O'xshataman tovushga.

Yoz va kuzning oylari,
Sarxil mevalar pishar.
Qishning oppoq qorlari,
Go'yo ko'kka yopinar.

Har faslning gashti bor,
Kunlar, tunlar ham go'zal.
Tabiat inson uchun,
Aytar ajoyib g'azal.

Nilufar OMONOVA



Ularning uyi to'rt xonali.
Katta xona – mehmonlar uchun.
Bu xonaga tutash kichik bir
xonada ota-ona turishadi.

Ko'cha eshikdan yon
tomonda yana ikki xona.
Kattaroq xonani erkatoiy Afzal,
kichikrog'ini uning singlisi – aqlli,
dono qiz Mahfuza egallagan.

Tun. Barcha uyquda. Afzal
uyg'onib ketib, chiroqni yoqdi.
Karavotdan oyoqlarini pastga
tushirib, biroz o'ylanib o'tirdi.
Nihoyat, o'rmidan turib kiyindi.
Oyoq uchida yo'lakka chiqib,
singlisi yotgan xona eshigini sekin
taqillatdi. Mahfuza qotib uxlab
yotgan ekan, anchadan so'ng
cho'chib:

– Kim u? Kim? – deb
so'radi.

– Men... Bu yoqqa bir
chiq!

Yana ancha vaqt o'tib,
xalat kiygan Mahfuza
Afzalning
xonasiga kirdi.

– Nima
deysan?

– O'tir, – dedi endi deraza oldidagi kursida o'tirgan
Afzal.

Mahfuza boshqa kursidan joy oldi.

– Nima bo'ldi?

– Hech narsa... Faqat yomon bir tush ko'rdim.

– Tushingni ertaga qoldirib bo'lmas ekanmi?

– Yo'q, hozir aytmasam, tars yorilaman... Bu
senga ham tegishli. Ikkimiz uchun ko'rganga
o'xshayman.

– Xo'p. Qulog'im senda, – dedi Mahfuza
kattalardek.

Rashid ko'chadan kelayotib, bobosiga duch keldi.
Bobosi oppoq soqolli qariya bilan gaplashib kelayotgan
edi.

– Bolalarim yaxshi chiqdi, baraka topsin, har biri
bilan iftixor qilaman, faxrlanaman, – dedi qariya. –
Nevaralarim ham unib o'sishmoqda, zamon tinch,
hamma sharoitlar bor, o'qib bilim oling, deb nasihat
qilaman ularga ham.

– Shunday yorqin kunlarda
yurtimizning ulkan yutuqlari bilan iftixor
qilamiz, deb o'ylagan edikmi?! –
bobosi sherigiga qaradi. –
Aytganingizday, bugungi bolalarimiz
biz o'qimagan kitoblarni o'qib, imonli
insonlar bo'lib voyaga yetishsa, deb
duo qilaman men ham.

– Shularning kamolotini ko'rib, iftixor
qilib yuraylik, – deya qariya Rashidga qaradi. –
Sen ham, bolam, yurtning, elning suyuqli farzandi bo'!

– Buning uchun nima qilishim kerak, bobojon? –
so'radi Rashid biyron tilda tortinmay.

Qariyalar miriqib kulishdi.
– Buning uchun qalin kitoblarni ko'proq o'qish kerak,
jon bolam! – dedi bobosi.

Rashid shu paytgacha qalin kitoblarni
o'qimaganidan uyaliy, yerga qaradi. Yozgi ta'tilda bor-
yo'g'i uchta ertak o'qidi, o'zi biladi, bu oz.

– Siz menga shunday kitoblar olib berasizmi?

Bobosi uning gapiga kulib qo'ya qoldi-da:

– Senga noyob kitoblar olib beraman. Kelajakda
sendan iftixor qilib yashay, bolam! – dedi.

– Iftixor nima, bobo? – so'radi u.

Bobosi javob qildi:

– Iftixormi, bolam? Iftixor – faxrlanish, quvonish
degani, bolam! Mana, sen O'zbekiston – o'z Vataning

Omon MUXTOR

– Sen bu yil o'nga kirding, shundaymi?

– Shunday. Sen o'n
uch, men o'n.

– Tushimda sen kap-
katta, qirqmi-ellikka kirgan ayol
emishsan. Guzar boshida pista-
qurut sotib o'tirgan emishsan...

– Hech qachon! – dedi
jahli chiqib Mahfuza. – Tushing
ham qursin. Men – o'z singling
to'g'risida shunaqa tush
ko'rishga uyalmadingmi?
Uyalmay meni uyg'otib, gapirib
o'tirganingni-chi?

– Kechirasan. Nega bunday
tush ko'rdim. Senga qarab shunday
ko'nglim achidiki... Bechora singlim, deb
o'yladim. Ishon! Yomon tush deyapman-ku.

– To'xta, tushingda men pista-
qurutmi sotayotgan bo'lsam, sen nima
qilayotgan eding? Taxtda o'tirgan
ekansanmi?

– Hamma balo shunda-
ki, men ham... yoshim sendan

BIZ KIM



(Hikoya)



BO'LMOQCHIMIZ?

katta, ko'chada bo'sh shisha, eski ashqol-dashqollarni
yig'ib yurgan emishman, – dedi Afzal ezilib. – Burnim
qip-qizil, yuzim birishib-bujmaygan. O'z aft-angorimni
ko'rib, jonim tovonimga tushdi. Ey Xudo, shu menmanmi,
deb yubordim. Bunisi ham mayli. Sen bilan ikkimiz
urishayotgan ekanmiz. Senga baqirib, uyg'onib ketdim.

– Kunduzi har xil ahmoq gaplarni o'ylab yurasan.
Bo'lmasa bunaqa tush ko'rmasding, – deb hukm
chiqardi Mahfuza. U endi jahli chiqishidan ko'ra
ko'proq xafa edi.

(Davomi bor)

haqida xushxabar yoki biror xorijlikdan yaxshi gap
eshitsang, quvonasanmi? Quvonasan! Ana shunda
iftixor paydo bo'ladi. Bir kun sen ham chuqur bilim
olib, Vatanning, xalqingga munosib xizmat qilsang,
noming bilan iftixor qiladilar.

– Men siz orzu qilganday odam bo'laman, bobojon!

– Barakalla, bolam, barakalla! Yaqinda qanaqa
bayram bo'ladi?

– Mustaqillik bayrami, bobojon!

BESHTA
KITOB
O'QIYSAN!



– Bayramgacha beshta kitob o'qib, mazmunini
menga aytib berasan! Menga bayram sovg'ang shu
bo'ladi!

– Xo'p bo'ladi, bobojon!

Bobo va nevara kitob do'koniga kirib ketishdi...

Nargiza HUSENOVA, tadqiqotchi

Aziz o'quvchilar, yodingizda bo'lsa, 26-iyul kuni soat 10.00 da bolajonlarning sevimli shoiri Tursunboy Adashboyev bilan bevosita muloqot bo'lishi haqida xabar bergan edik. O'tgan dushanba Tursunboy aka tahririyatga barvaqtgina kirib keldilar. Hali salom-aligimiz poyoniga yetmasdanoq, telefon qo'ng'iroqlari boshlanib ketdi.

Birinchi bo'lib savol berish niyatidagi betoqat muxlislarimiz bizni ham, Tursunboy akani ham shoshirib qo'yishdi. Qog'oz-qalamlarimizni shaylab, biz savollarni yozib olishga, Tursunboy aka esa ularga javob berishga kirishib kettik.

BEVOSITA MULOQOTGA MARHAMAT!



1 Xorazm viloyati, Hazorasp tumanidagi 34-maktab o'qituvchisi Qo'zi ISMOIL uloqni ilib ketdi, birinchilardan bo'lib qo'ng'iroq qildi.

– E'tibor bersangiz, keyingi paytlarda televideniye orqali bolalar yozuvchilari ijodiga oid ko'rsatuvlar kamayib ketyapti.

– Nafaqat viloyatdagi o'qituvchi, muallimlar, balki biz bolalar adiblari ham «Barkamol avlod yili» munosabati bilan bunday ko'rsatuvlar qayta tiklansa, degan niyatda edik. Ezgulikning kechi yo'q deyishadi-ku, hali ham umidimiz so'ngani yo'q.

2 Zafar ISOMIDDIN, Farg'ona viloyati:

– Nazarimda, «Cho'lpon» nashriyoti bolalar yozuvchi va shoirlarining original asarlari o'rni, tarjima asarlarni chop etish bilan banddek.

– Bo'lishi mumkiun. Bu nashriyotning ishi. Ammo Siz-u biz orzu qilgandek ko'proq original asarlar chop etilsa, yaxshi bo'lardi. «Sharq» nashriyot-matbaa aksiyadorlik kompaniyasi, «O'zbekiston», «G'afur G'ulom» nashriyot-matbaa ijodiy uylari bu xayrli ish bilan baholi qudrat shug'ullanib kelishyapti.

3 Aziz RAZZOQOV, talaba, Amerika Qo'shma Shtatlari:

– Istiqloq sharofti bilan biz o'zbekistonlik yoshlarga havas qilsa arziri shart-sharoitlar yaratildi. O'qiyman deysizmi, hunar o'rganaman deysizmi, marhamat! Hatto chet ellarda tahsil olishimiz uchun ham imkoniyatlar bor. Uka va singillarimiz ham bunday g'amxo'rliklarga javoban puxta bilim olib, til o'rganib, biz kabi xorijlarda tahsil olishlarini istardim.

– O'zbekiston bolalar mamlakati, biz bolajon xalqimiz. O'g'il-qizlarimiz uchun yaratilayotgan sharoitlar barchamizni quvontiradi. Darhaqiqat, o'g'limiz Azizbek ta'limni chet ellarda davom ettirayotgan ekan, demak u maktabda a'lo o'qigan, chet tillarini mukammal egallagan. Men Azizbeklar safi kengayishini, O'zbekistonimiz kelajagi bo'lgan farzandlarimiz xorijda olgan bilimlarini yurtimiz ravnaqi yo'lida sarflashlarini istayman.

4 Aziza JALILOVA, poytaxtdagi 249-maktabning 8-sinf o'quvchisi:

– Maktab darsliklaridagi badiiy asarlar ham adabiyot kengashi muhokamasidan o'tadimi?

– 4-sinfgacha bo'lgan darsliklardagi badiiy asarlar Yozuvchilar uyushmasi qoshidagi Bolalar va o'smirlar adabiyoti kengashi a'zolari nazaridan o'tkaziladi. Bu sohada Respublika ta'lim markazi bilan mustahkam aloqa o'rnatganmiz. Ko'pincha darslikka kiritilgan hikoya va ertaklarni mualliflar qaysi xalqqa tegishli ekanligini aytishmaydi. Keyinchalik ularni mualliflarning o'zlariga to'qishgani ayon bo'ladi. Amir Temur, Alisher Navoiy, Zahiriddin Muhammad Bobur kabi buyuk allomalarimizga bag'ishlangan she'rlarni adabiyotdan yiroqroq insonlarga yozdirish, shuningdek, darslikka badiiy saviyasi bo'shroq she'rlar ham tasodifan kirib qolish hollari ham uchrab turadi.

Avvallari didaktik, pand-u nasihat ruhida she'rlar ko'proq berilardi. Menimcha, bunday she'rlar me'yorida bo'lishi kerak. To'g'ri yur, to'g'ri tur, kattalarga salom ber kabi pand-u nasihatlarni ota-onalar aytishlari kerak. Shoir esa bolaning aqlini qayraydigan, fikrini charxlaydigan she'rlar yozishi kerak.

5 Xudoyberdi KOMILOV, Samarqand viloyati, Urgut tumanidagi 97-maktab direktori:

– Mening savolim badiiy kitoblar adadining kamligi xususida. Badiiy kitoblar 5 ming, ko'pi bilan 10 ming nusxada chop etiladi. O'zingizga ma'lum, respublikamizda 10 mingga yaqin maktab bor. Har bir maktabda o'rtacha 1000 nafardan o'quvchi tahsil olsa, 10 ming nusxada chop etilgan kitob 1000 o'quvchiga bittadan, 5 ming nusxada bosilgan kitob esa 1000 o'quvchiga yarimtdan to'g'ri kelar ekan-da. Bu tuyani cho'mich bilan sug'orishdek gap emasmi?

Shu o'rinda bir taklif kiritmoqchi edim: ommaviy, madaniy axborot xurujlariga qarshi davlatimiz tomonidan bir dastur ishlab chiqilsa. Bunday xurujlarga qarshi farzandlarimizni badiiy adabiyotlar bilan qurollantirishimiz kerak.

– Xudoyberdi ukamizning savoli shu kunning eng dolzarb savollaridan biri bo'ldi.

Yaqinda «Sharq» nashriyotida bolalar shoiri Zafar Isomiddinning «Arslonshohning patiri» nomli kitobi 10 ming nusxada chop etildi. Nashriyotning Farg'ona va Andijon viloyatlarida kitob do'konlari bor. Demak, bu kitob farg'onalik va andijonlik o'quvchilar qo'lga yetib bordi. Xo'sh, boshqa viloyatdagi kitobxonlar-chi?

Kezi kelganda, kitoblarning narxlarini xususida ham to'xtalmoqchidim. Ayrim nashriyotlarda bolalar uchun adadi 300 dona, narxi 3000 so'mdan bo'lgan badiiy kitoblar yoki adadi 5000, narxi ham 5000 so'mdan kitoblar chiqarishadi. Bunday narxdagi kitoblarni hamma ota-onalar ham farzandlariga sotib olib berish imkoniyatiga ega emaslar.

Xudoyberdining taklifi ham juda o'rinni. Farzandlarimiz ongidagi bo'shliqni to'ldirish uchun ko'proq badiiy kitoblar nashr etilishi kerak. Balki bolalar adabiyotiga e'tibor susaygani bois, bolalar adiblari kamayib ketayotgandir, degan fikriga ham qo'shilaman. Darhaqiqat, Dilshod Rajab, Kavsar Turdiyeva, Abdurahmon Akbar kabi ijodkorlarimiz o'rinni to'ldiradigan shoir va yozuvchilarimiz yo'q hisobi.

6 Xurram RAIMOV, bolalar shoiri:

– Radioda bolalar uchun beriladigan badiiy eshittirishlar keskin kamayib ketdi. Menimcha, bolalar adiblarining ijodiy portretlari radio orqali ham berib borilsa, maqsadga muvofiq bo'lardi.

– Xurramjonning savolida jon bor, radioda bolalar uchun berilayotgan eshittirishlar kamayib ketgani rost. Bolalar ijodkorlarining portretlari radio orqali berib borilsa, nur ustiga a'lo nur bo'lardi. Chunki radio eshitadigan yurtimizning tog'li hududlari, olis-olis ovul va qishloqlari talaygina.

ishlar amalga oshirilyapti. Mazkur nashriyotda «Muallifning birinchi kitobi» seriyasi tashkil qilinsa, yaxshi bo'lardi.

– Darhaqiqat, mazkur nashriyotda amalga oshirilayotgan ishlar maqtovga loyiq. Kengashimiz tavsiyasi bilan ko'plab kitoblar bosmadan chiqdi va yana bir qanchasi nashrga tayyorlanyapti. «Muallifning birinchi kitobi» seriyasida yoshlarimiz ijodiga ham keng o'rin berilsa, nur ustiga a'lo nur bo'lardi.

8 Hamroqul MUHAMMADIYEV, Surxondaryo viloyati, Sariosiyo tumanidagi 35-maktab o'qituvchisi:

– Tumandan olisdagi qishloqda yashaymiz. Sakkiz nafar nabiram bor. Ularning adabiyotga mehr qo'yib ulg'ayishlarini istayman. Zero, qalbida adabiyotga, she'riyatga havas bo'lgan bolalardan yomonlik kutib bo'lmaydi. Shu ma'noda bolalar adiblari bilan uchrashuvlar nabiralarimning adabiyot bo'stoniga ilk qadam qo'yishlarida turtki bo'ladi, deb o'ylayman. Bunday uchrashuvlar tashkil qilishning yo'l-yo'riqlari qanaqa?

– Keyingi ikki yil ichida ijodkorlarimizning viloyatlardagi kitobxonlar bilan yuzma-yuz uchrashuvlari biroz jonlandi. Yozuvchilar uyushmasi va uning qoshidagi «Ijod fondi»ning rejalari katta. Ana shu reja asosida respublikamizning olis-olis tuman va

7 Ma'mur QAHHOR, Qo'qon pedagogika instituti o'qituvchisi, falsafa fanlari doktori:

– «Sharq» nashriyot-matbaa aksiyadorlik kompaniyasida bolalar adabiyotlarini nashr etilishi borasida talaygina xayrli

qishloqlaridagi kitobxonlar bilan ijodiy uchrashuvlar qilish niyatidamiz. Yaqin orada Sizning nabiralaringiz bilan ham uchrashib qolsak, ajabmas...

Muloqotimiz davomida telefon qo'ng'iroqlari tinmadi, savollarning oxiri ko'rinmadi. Lekin vaqt oliy hakam. Uni yakunlash arafasida shoirimizga bir savol bilan murojaat qildik:

– Savollar ichida sizga eng yoqqani?

– Samarqandlik ukamiz Xudoyberdi Komilovning savoli menga juda ma'qul bo'ldi. Uningdek jonkuyar, e'tiborli, farzandlarimiz ma'naviyatiga befarq bo'lmagan ustoz va muallimlarimiz safi kengayaversin!

Tursunboy akaga muloqotimizdagi ishtiroklari uchun samimiy minnatdorchilik bildiramiz.



– Quvnoq
sahifamizga xush
kelibsiz! – deydi besh
yoshli Azizbek.

Bir tug'ishgan ikki yigit,
Bo'ylari kelar tizzadan.
Qolmaydi sizdan, bizdan,
Saqlaydi qordan, muzdan.

Topishmoqlar

To'rt yonida to'rtta oy,
Boshingda berar chiroy.

O'zi oppoq, to'rtburchak,
Turar joyidir cho'ntak.

POLIZDAGI HANGOMA

Xoh ishonning, xoh
ishonmang, yaqinda
polizda bir ajoyib
hangoma bo'ldi...



(Bo'lgan voqea)

Asqar ikkimiz kattalarga qovun-tarvuz terishda ko'maklashayotgan do'stlarimiz Muzaffar bilan Abdulazizni ko'rgani borgandik. Chanaqab turganimizdanmi, shiypinning bir chetida dumalab yotgan kattakon tarvuz ko'zimizga olovdek ko'rinish ketdi. Pichoq tortib yuborgandik «paq» etgan ovoz chiqdi. Qarasak, u tarvuz emas, koptok ekan...

Ertasi kuni do'stlarimizga ko'maklashish uchun yana polizga bordik. G'arq pishgan qovun-tarvuzlarni terib bo'lgach, salqinda biroz dam oldik. Shiypun yonida dumalab yotgan koptokni ko'rib, futbol o'ynagimiz kelib qoldi. Asqar ikkimiz «kim o'zar»ga yugura ketdik. Kim birinchi yetib borsa, koptok uniki bo'lardi-da.

Asqardan avvalroq yetib borib, koptokni zarb bilan tepganimni bilaman... Keyin nima bo'ldi deng? Og'riqning zo'ridan baqirib yubordim. Keyin bilsam, biz koptok deb o'ylagan narsa haqiqiy tarvuz ekan...

Dilmurod ELIBOYEV,
Samarqand viloyati, Pastdarg'om tumanidagi
40-maktabning 5-sinf o'quvchisi

SO'Z O'YINI

Jahongir dedi Javohirga
Bir savolim bor senga.
O'g'ri bilan to'g'rining,
Farqini ayt-chi menga.

Javohir o'ylab dedi:
Javobi oson ekan.
O'g'ri so'zin oldida,
«T» tushib qolgan ekan.



Dilrabo ESHMIRZAYEVA,
Jizzax viloyati, Mirzacho'l tumanidagi
9-maktabning 6-«A» sinf o'quvchisi

(Gazetaning navbatdagi soni 16-avgustda chiqadi.)

AYYOR TULKI

Tulkiman ayyorgina,
Hiylaga tayyorgina.
Rostidan ko'ra biroq,
Sizni aldash qulayroq.

Shuning uchun ham meni,
Ayyor tulki deyдилar.
Sizni aldab ketaman,
Maqsadimga yetaman.



Ona o'g'lini koyiyapti:
– Buncha dangasasan?
Geografiyadan olgan ikkingni
tuzatmabsan-ku hali...
– Allaqachon tuzatganman.
– Qanday qilib?
– Kundaligimning keyingi
sahifasidagi «1» bahoni
ko'rmayapsizmi?
Mahfuzaxon JAMOLDINOVA,
Andijon viloyati, Andijon
tumanidagi 24-maktabning 9-«V»
sinf o'quvchisi

TONG YULDUZI

Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga
qarashli bo'lgan Xalqaro xayriya jamg'armasi.

BOSH MUHARRIR:
To'lqin HAYITOV

Dizaynerlar:
Fazliddin
SHOYODGOROV,
Olovuddin
ORIPOV
Navbarchilar:
Axtamqul KARIM,
Yusuf ABDULLAYEV

Gazeta
O'zbekiston
Matbuot va
axborot
agentligida
0208-raqam
bilan 2007-yil
2-fevralda
ro'yxatdan
o'tgan.

TAHRIR HAY'ATI:
Avaz MARAHIMOV,
Svetlana INOMOVA,
Qahramon QURANBOYEV,
Odina JAMOLDINOVA,
Jabbor RAZZOQOV,
Murtazo SULTONOV,
Feruza JALILOVA
(Bosh muharrir o'rinbosari),
Feruza ADILOVA
(mas'ul kotib),
Dilmurod RAHMATILAYEV,
Dilshoda DADAJONOVA

Manzillimiz:
Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail: tong1924@bk.ru
www.tongyulduzi.uz
Tel: 244-27-25, 244-63-08
Tel./faks:
(99871) 244-38-10

«O'zbekiston»
nashriyot-matbaa ijodiy
uyida chop etildi.
Haftaning
dushanba kuni chiqadi.
Shakli A-3,
2 bosma taboq.
ISSN 2010-6092
Adadi - 34709
Buyurtma N: J 9866